

Utgreiing om aktsemdsvurderingar etter openheitslova 1.1-31.12.2025

Innhald

Utgreiing om aktsemdsvurderingar etter openheitslova 1.1-31.12.2025	1
Innleiing.....	1
Produkt, tenester, marknadsområde og organisering.....	1
Eigarskap.....	2
Eika Alliansen.....	2
Banken sine rutinar for menneskerettar.....	3
Berekraft.....	3
Varsling.....	4
Banken sine aktsemdsvurderingar.....	4
Tiltak.....	4

Innleiing


Utgreiing om aktsemdsvurderingar er utarbeida av Voss Veksel- og Landmandsbank ASA (Vekselbanken) i samsvar med openheitslova § 5.

Produkt, tenester, marknadsområde og organisering

Vekselbanken er ein børsnotert forretningsbank og driv bankverksemd. Banken tilbyr produkt og tenester som ivaretar behova for både privat- og næringskundar. Dei mest vanlege produkta banken tilbyr er daglegbank, betalingsformidling, innskot og utlån. I tillegg tilbyr banken forsikring, kredittkort, forbrukslån og fondssparing gjennom samarbeidande selskap i Eika Alliansen samt eidedomsmeikling gjennom dotterselskapet Aktiv Voss AS.

Marknadsområdet er i hovudsak Voss herad og ikring liggjande kommunar. Banken har kontor i Voss sentrum samt rådgjevarkontor i Eidfjord og Kinsarvik. Banken har 29 tilsette.

Banken sitt organisasjonskart ser slik ut:



Banken sitt øvste organ er generalforsamlinga.

Eigarskap

Dei største aksjonærane i banken per 31.12.2025 er Voss Sparebank, VPF Eika Egenkapitalbevis, August Ringvold Agentur AS, MP Pensjon PK og Bjørkehagen AS. Ingen aksjonærar eig meir enn 10 % av aksjane. Oversikt over dei største aksjonærane går fram av kvartals- og årsrapportane til banken. Desse rapportane ligg offentleg tilgjengeleg på banken si heimeside og er publisert på Oslo Børs.

Eika Alliansen

Banken er ein del av Eika Alliansen. Eika Alliansen består av alliansebankane, konsernet Eika Gruppen og selskapet Eika Boligkreditt, som er heileigd av alliansebankane. Konsernet Eika Gruppen består av morselskapet Eika Gruppen AS, og dotterselskapa Eika Kapitalforvaltning, Aktiv Eiendomsmegling og Eika digitalbank. Eika Gruppen eig 20,1 % av aksjane i Fremtind Forsikring, og bankane i Eika Alliansen er distributørar av forsikringsprodukt levert av Fremtind Forsikring. Eika bankane er gjennom ein dynamisk eigarskapsmodell direkte eigararar av Kredittbanken ASA som leverer kredittkort og forbrukslån. Eika Gruppen si kjerneverksemd er å syta for at lokalbankane har ei moderne og effektiv bankdrift gjennom gode og effektive produktleveransar, inkludert å syta for innkjøp på vegne av bankane i alliansen. Eika Boligkreditt er alliansebankane sitt bustadkredittføretak, med konsesjon til å utferda obligasjonar med fortrinnsrett (OMF). Hovudføremålet er å sikra bankane tilgang til langsiktig og konkurransedyktig finansiering.

Banken sine rutinar for menneskerettar

Vekselbanken står fullt opp om og respekterer grunnleggjande menneskerettar og sømelege arbeidstilhøve i vår verksemd, og forventar tilsvarande hjå våre leverandørar og forretningssamband.

Dette går fram av dei etiske retningslinjene våre, retningslinjer for etiske investeringar og stadfesting av våre leverandørar sitt samfunnsansvar. Arbeidet med menneskerettar og openheitslova er forankra i styret.

Banken stiller krav og forventningar til våre leverandørar om ivaretaking av menneskerettar, og fylgjer opp innhenting av informasjon frå leverandørar og forretningssamband.

Eika Gruppen syter for fleire større innkjøp på vegne av bankane i alliansen. Styret i Eika Gruppen har vedteke policy for innkjøp og utkontraktering samt policy for berekraft med krav om aktsemdsvurderingar av avtalar inngått av Eika Gruppen på vegne av bankane. Eika Gruppen sin policy, metodikk som er nytta ved aktsemdsvurderingar med vidare er tilgjengeleg for banken på Eika Gruppen sine intranettsider. Banken har gjennomgått og kvalitetssikra prosess, metodikk og dokumentasjon i eigne gjennomgangar. Aktsemdsvurderingane er vurdert av banken som av god kvalitet.

Alle tilsette er kjent med banken sine rutinar etter openheitslova. Banken har få tilsette, korte linjer og god informasjonsflyt.

Berekraft

Banken har styrevedteke policy for berekraft. Policyen fastset prinsipp for berekraftsarbeidet i banken, og korleis dette vert integrert i verksemdsstyring, risikostyring, kreditt, produkt og rapportering. Det er etablert eit heilskapleg styringssystem for berekraft slik at berekraft ikkje vert handsama som ein tilleggsfunksjon, men som ein integrert del.

Overskotslikviditeten til banken vert investert i fond som er UN PRI signatory (FN støtta prinsipp for ansvarlege investeringar). Banken fylgjer i tillegg Statens Pensjonsfond (Oljefondet) sin investeringsprofil, og denne har tydelege retningslinjer for ansvarlege investeringar.

Vekselbanken er Miljøfyrtårnsertifisert. Dette inneber at banken jobbar i tråd med FN sine berekraftsmål.

Banken har rutine for antikvitvasking (AHV), og i samarbeid med Eika alliansen blir det utvikla system, rutinar og oppfølging av desse i samsvar med trussel- og risikobiletet på området.

Varsling

Internt kan tilsette varsle om tilhøve som kan avdekka negative konsekvensar eller vera kritikkverdige gjennom eigen rutine for «uynskte hendingar», eller gjennom verneombod, tillitsvalde eller leiinga i banken. Banken har styrevedtekne retningslinjer for varsling av kritikkverdige tilhøve.

Banken har eige personvernombod, og kontaktinformasjon til personvernombodet er å finna på banken si nettside www.vekselbanken.no

Banken har også gjort tilgjengeleg informasjon på sine nettsider om korleis eksterne klagar kan sendast til banken.

Banken sine aktsemdsvurderingar

Vekselbanken har gjort ei kartlegging og vurdering av banken si forretningsverksemd, leverandørkjede og forretningspartnarar. Vurderingane vil bli oppdatert og fylgt opp i takt med endringar frametter. Banken har henta inn eigenerklæring om leverandøråttferd frå våre største leverandørar og forretningsamband.

Risikoen for at banken bidreg til brot på grunnleggjande menneskerettar og sømelege arbeidstilhøve vert vurdert som låg. Det same gjeld risikoen som banken er direkte knytt til gjennom leverandørkjede og forretningsamband (jf. openheitslova § 3 d og e).

Banken har relativt sett få leverandørar og forretningsamband.

Banken gjennomfører årlege medarbeidarundersøkingar. Resultata frå desse vert nytta aktivt i vidareutvikling av arbeidsmiljø.

Banken sine aktsemdsvurderingar har så langt ikkje avdekka faktiske negative konsekvensar eller vesentleg risiko for negative konsekvensar. Det er såleis ikkje iverksett særskilde tiltak ut over den generelle oppfølginga av leverandørar, leverandørkjede og forretningsamband som skildra.

Tiltak

Banken ikkje identifisert faktiske negative konsekvensar eller vesentleg risiko for negativ påverknad på menneskerettar og sømelege arbeidstilhøve i rapporteringsperioden. Banken har difor ikkje måtte nytta seg av etablerte prosessar for handsaming av tilfelle der negative konsekvensar eller vesentleg risiko føreligg.

Vekselbanken vil halde fram arbeidet med å ivareta våre plikter etter lova, og arbeida vidare for å sikra at naudsynte tiltak blir iverksett dersom det blir avdekka avvik.

Voss, 2. juni 2026

Styret i Voss Veksel- og Landmandsbank ASA


Stein Kvarekvål
Styreleiar


Marita Østrem
Nestleiar

Gunvill Medhus

Hege Solbakken



Solfrid Dagestad Midttun



Stig Gunnar Røthe
Adm. banksjef